



Universitätsbibliothek Paderborn

**De Vita, Et Gestis S. Francisci Xaverii È Societate Iesv
Indiarvm Apostoli Libri Qvatvor**

Bartoli, Daniello

Lvgdvni, 1666

28. Mira quædam Malacæ ab eo prædicta.

urn:nbn:de:hbz:466:1-10854

altare deturbant, mutilant, incessunt conuitis, modisque omnibus defodatum, fluuiio demergunt, exprobrantes integrum fluuum se illidare, ex quo aquæ stillam non valuerint exprimere. Ex Amboino Malacam duobus mensibus peruenit: eò sanctus Iulio mense applicuit, anno 1547. illic Ioannem Beiram, Nonnium Riberam, Nicolaum Nonneziun, nondum Sacerdotem, viros Apostolici pectoris, intenit, dignos qui arduam Molucarum, & Mauri expeditionem quam inchoauerat, vrgerent: ad Criminalem ipsius mandata non venerant, illumque in orâ Piscaciâ occupabat Deus, biennio post morte gloriosâ Badagranum ferro coronandum: Mansillam quoquè nè adesset, refractaria indoles tenuit, ob quam deinde Xauerius hominem expulit è Societate, ratus damno maiori religiosum malum, quâm utilitate operarium bonum, religioso in ordine retineri. Cærerûm tres illos de Societate, primos confinxit in Indiâ, postquam in eâ solus quinquennium egisset. Suâ quidem incredibili voluptate, quam auxit nuntius quo significarunt, de septem aliis cum classe Laurentij Perez de Tauora, Goam vectis, transisse quatuor ad Comorinenses sibi carissimos iuuandos. Dum expéctant naues in Molucas ituræ Augustum exeuntem, tres iis insulis deuotos, suâ interim familiarci consuetudine, bimestri spatio beatuit vir sanctus, viuendi agendique impressit forma, modisque instruxit idoneis, quibus conuersionem ethnicorum, quâm uberrimè promouerent. Inde post mutuos amplexus ob hoc vnum subtristes, quod ab eò diuelli cogerentur (de quo postea tam mira scripsere) in Molucas profecti, ferendo, & agendo, vitâ simul & morte illustrem illic de se materiam historiæ dederunt. Ab hinc autem quatuor mensibus nauigaturo Goam Xauerio, seges interea laborum non defuit; conciones ad ethnicos, Indos, Lusitanos eo concursu quem designata loca non caperent. Doctrinæ fidei quotidianæ explicationes ad innumerabilem, ut scribit ipse in, multitudinem hominum, consertim suis cum familiis se seipstant: restinguere odia, ob Lusitani militis irritabile ingenium propemodum illic continua, soluere iugiter confitentes; ægrotos per urbem adire, nosocomiis ministrare, cathecumenos & pueros Christianis principiis imbuere, supremo in agone positos ad piam mortem animare, ceteraque charitatis eiusdem præstare munia, in quibus (subdit) cum difficile sit satisfacere vnicuique, aduersariis non carebam, sed eorum idecirco gaudebam inimicitiis, quod ex vtiiorum odio nascerentur. Menti scilicet bonæ, tribuit vir sanctus, malignitatem eorum quos interfundens acriter facinoribus quorum illos magis detectorum torquebat pudor, quâm latentium dolor, & detestatio.

Lepidum porro quod illi docendis ibidem pueris contigit. Erat in iis Paulus Gomezius (qui Societati dudum postea se adiunxit) viuacis ingenij puer & in rudimentis doctrinæ sacræ recitandis, misericordie gratius, eaque de causa solitus recitationis initium facere. Igitur aliquando fre-

28

Mira quæ-
dam Malacæ
ab eo præ-
dicta.

O quenti

quenti auditore in templum coacto , vocatur Paulus , nec vocanti respondebat ; queritur , nec vsquam comparat . Collecto tantisper animo cognoscit ex Deo Xauerius ubi sit , rectaque per confertam turbam ad sacrum fontem pergens ; latenter , humique affixum deprehendit , dum aliquis alius prodiret recitandi principium facturus , quod ipsum pudet in tam numerosa concione recitare quæ nondum memoria sat comprehendisset . Reductum Xauerius in medio statuit , fecitque attinatio animum , ut more suo audenter diceret . Vedit quoque sed multò longius zelotypi militis barbaram rabiem , qui pugione in iugulum intento suspectam vxorem examinabat de adulterio . Accurrit quæm celerimè vir Dei , & probatâ quam perspectam habebat suspicionis vanitate , furentem à seclere , insolentem à periculo seruauit . Quin & usque ad Zeilani vada , nauis Bufolæ præuidit casum , huius erat nauarchus Gonzalus Garzias , in eâ Eirus (de quo pridem dictum) transibat in Indiam , & huic discrimen quod erat incursura indicauit , tanto impetu à prora allis in scopulum , ut miraculo fuerit non dissiliisse , hæsitque faxis tam altè infixa ut puppis mergeretur , nec sperabant nautæ meliora , nisi Ioannes Eirus sustinuerit eorum fiduciam vaticinio viri sancti , quo significarat , rem ultra metum minimè abityram ; & verò accedens post paulum maris æstus sublatam nauim cursui reddidit . Mira quidem hæc Malacæ edita , sed præstat omnibus quo tota India Christi Apostolum nihil magnificientius illustrauit , decēque id singulari memoriam prosequi , tum quod eius plena cognitio futura est legenti gratissima ; tum quod ex rebus totum contextitur in sancti gloriam admirandis , & testes habet tres supra nonaginta publicis tabulis consignatos , & scriptum reliquit qui tunc erat Malacæ , per annos aliquot Xauerij socius .

29

Rex Accen-
notum Ma-
lacam impe-
tit.

29. Cesserat Malaca cùm maris imperio Lusitanorum armis , & de-
fluentibus commerciis , vicinorum regum accisa opes , eorum inuidiam ,
& capitales inimicitias aduersus Lusitanos quotidiè augebant , ac nisi
militum viribus , & peritiâ nauigandi longè se illis vidissent peiores ,
erant illos omnino exterminaturi , reductisque in paternam ditionem
non modò Mahometem eius filium quem expulerat Albucherchus , sed
quemvis alium & sectæ cuiuslibet , modò nè Christianum . Ausi sèpius
hanc aleam mouere , numeroque ac mole exercituum obruere , quos
virtute ac robore non valebant ; indè semper aut fugam infamem retu-
lerant aut suorum internacionem . Libuit nihilo secius Soldano Alara-
dino , Accenorum regi , assecræ Mahometis , Christianis ob religionem ,
Lusitanis , ob suas rations peritioso , quid posset experiri . Est verò
Accenum inter regna insulæ Somatræ maximum , à Malacensi continen-
te , non plus leuis duodecim seiuectum . Ac principio quidem hostis ,
videri noluit aperto bello arcem impetrere ; sed potenti classe , piraticis
excursionibus maria illa infestare , auertere commercia negotiatorum ,
suppletura militem subsidia intercludere , vt propugnatorum numero ,
& commilitibus ab occasu mittendis Malaca sensim destituta , fieret ex-
pugnabilior .